

師古曰奧音於六  
反鞮音居言反  
治奧鞮城去都護六千九百六里去

陽關八千三百五十五里凡五王屬康居

大宛國王治貴山城去長安萬二千五百五十里戶六

萬口三十萬勝兵六萬人副王輔國王各一人東至都

護治所四千三十一里北至康居卑闐城千五百一十

里西南至大月氏六百九十里北與康居南與大月氏

接土地風氣物類民俗與大月氏安息同大宛左右以

蒲陶為酒富人藏酒至萬餘石久者至數十歲不敗俗

者酒馬者目宿  
師古曰者  
宛別邑七十餘城多善馬馬

汗血言其先天馬子也  
孟康曰言大宛國有高山其上  
有馬不可得因取五色母馬置